

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON  
OPĆINSKI SUD U BUGOJNU  
Broj: 46 0 V 119407 24 I  
Bugojno, 20.4.2026. godine

Općinski sud u Bugojnu, sudija Ivan Sokanović, u izvršnom postupku tražioca izvršenja Sparkasse Bank d.d. BiH, Zmaja od Bosne 7, Sarajevo, zastupano po zaposlenicama Dalili Kuljuh i Lejli Alić, diplomiranim pravicama s položenim pravosudnim ispitom, v.sp. 90.316,58 KM, tražioca izvršenja NLB Banka d.d. Sarajevo, Koševo 3, Sarajevo, zastupano po punomoćnicima iz Advokatskog društva Haračić + Partners d.o.o. Sarajevo (pristupio iz izvršnog postupka broj: 46 0 V 120306 25 I, v.sp. 516.131,32 KM) i tražioca izvršenja Raiffeisen Bank d.d. BiH, Zmaja od Bosne d.d. Sarajevo, zastupano po zaposleniku Ajdinu Bešiću, diplomiranom pravniku s položenim pravosudnim ispitom (pristupio iz izvršnog postupka broj: 46 0 V 120414 25 I, v.sp. 78.835,60 KM), protiv izvršenika Milenka Kusture, Voljice b.b., Gornji Vakuf – Uskoplje, radi izvršenja na nepokretnosti, 20.4.2026. godine je donio sljedeći

### **Z A K L J U Č A K** **o prodaji nepokretnosti**

1. Određuje se druga prodaja usmenim javnim nadmetanjem nepokretnosti izvršenika označene broj parcele 2111/7 E PT 7B, potkrovlje: Ulaz B – Stan broj 7 u površini od 51,26 m<sup>2</sup>, Lamela A, neplodno, upisane u zemljišnoknjižni uložak broj 5436, k.o. SP Gornji Vakuf, vlasništvo izvršenika sa 1/1.
2. Vrijednost nekretnine iz tačke 1. je utvrđena nalazom sudskog vještaka Irfana Vugdalića od 6.8.2025. godine u iznosu od 102.700,00 KM.
3. Na drugom ročištu za prodaju usmenim javnim nadmetanjem nekretnina se ne može prodati ispod 1/3 utvrđene vrijednosti iz tačke 2.
4. Na ročištu za javno nadmetanje kao kupci mogu učestvovati lica koja su do početka nadmetanja položila osiguranje koje iznosi 1/10 utvrđene vrijednosti nekretnine, a najviše 10.000,00 KM. Prije početka nadmetanja ova lica su dužna sudu predati dokaz da su osiguranje platili na depozitni račun suda broj 1011300000295629. Ponuđačima čija ponuda nije prihvaćena, osim za tri najbolja ponuđača, vratiće se osiguranje odmah nakon zaključenja javnog nadmetanja. Ročište za javno nadmetanje održaće i kad prisustvuje samo jedan ponuđač.
5. Ponuđač sa najvišom ponudom na ročištu plaća ukupnu prodajnu cijenu umanjenu za položeno osiguranje polaganjem cijene sudu u roku od 30 dana. Ukoliko ponuđač sa najvećom ponudom ne deponuje prodajnu cijenu u ovom roku, sud će zaključkom proglasiti prodaju tom ponuđaču nevaljanom i novim zaključkom odrediti da je nepokretnost prodana drugom po redu ponuđaču koji treba da u roku od 30 dana od dana prijema ovog zaključka sudu deponuje prodajnu cijenu. Ukoliko drugi ponuđač ne položi cijenu u predviđenom roku sud primjenjuje ova

pravila i na trećeg ponuđača. U slučaju da sva tri ponuđača sa najvišom ponudom ne ispune svoje obaveze plaćanja prodajne cijene u određenim rokovima, sud će oglasiti da drugo ročište nije uspelo i zakazati novo ročište.

6. Kupac preuzima stvarne terete na ovoj nekretnini.
7. Troškovi poreza i takse u vezi sa prodajom nekretnine plaća kupac.
8. **Ročište za prodaju nekretnine će se održati 25.5.2026. godine u 11:30 sati, u zgradi Općinskog suda u Bugojnu, ured broj 15, na koje se pozivaju tražioci izvršenja, izvršenik, zainteresovana lica kao kupci te Kantonalni porezni ured Novi Travnik.**
9. Ovaj zaključak će se objaviti na oglasnoj tabli suda, a stranka može o svom trošku zaključak objaviti i u sredstvima javnog informisanja.

Sudija  
Ivan Sokanović

**Pouka o pravnom lijeku:**  
protiv ovog zaključka nije dopušten pravni lijek.